



Sarbil: lurraldea, energia eta etorkizuna

ITZULKETA SAIOAREN AKTA. 2026/05/04

2026ko maiatzaren 7an.



Aurkibidea

1.	SAIOAREN EZAUGARRIAK	3
2.	HELBURUA	3
3.	GARAPENA	3
3.1.	SARRERA	3
3.2.	PROPOSAMENAK, GALDERAK ETA ERANTZUNAK	4
3.3.	ALEGAZIOEN BIDEA	11
3.4.	GALDEREN TXANDA	11
3.5.	ITXIERA ETA HURRENGO URRATSAK	13


1. SAIOAREN EZAUGARRIAK

Hauek izan dira saioaren datuak:

Eguna	2026ko apirilak 28, Etxauriko udaletxean
Ordutegia	18:00-20:00
Asistentzia	29 pertsona (17 emakume eta 12 gizon)
Saioaren bideratzaileak	Uxune Alustiza, Mikeldi Zeberio eta Joseba Beltza (Emun)

2. HELBURUA

Azken saio hau prozesuaren emaitza itzultzeko eta prozesua bera amaitzeko planteatu da. Aurreko hiru saioetan, Sarbil mendiko proiektu fotoboltaikoari eragiten dioten alderdiak aztertu, ebaluatu eta horiei buruz hitz egin da, eta Etxauriko Udalari proposamen batzuk egin zaizkio.



Azken aste honetan, proposamen, galdera eta kezka horiek helarazi dizkio Emunek udalari, eta gaurko saioan, eskaera horiei erantzuteko aukera izan du udalak. Saioa amaitzeko, galde-erantzunen tarte ireki da.

3. GARAPENA

3.1. SARRERA

Jasotako proposamenak bi multzotan eta azpiatal hauetan banatu dira:

- Hitzarmena aldatzeko proposamenak:

1. Tokiko partaidetza
2. Energia prezio merkeagoan
3. Onurak lehenbizi bailaran
4. Ingurumenaren babes handiagoa
5. Proiektu gehiagorik ez Sarbilen

6. Jarraipen batzordea

- Udal politiketan kontuan hartzeko proposamenak

1. Udal planak eta arauak
2. Udala herritarren ordezkari eta ahots

Bi kasuetan, batetik, proposamen zehatzak daude eta, bestetik, prozesuan zehar argitu gabe geratu diren galderak. Proposamen eta galderen azpiatal bakoitzaren ondoren, udalaren erantzunak gehitu dira, dokumentua ulerterrazagoa izan dadin.

3.2. PROPOSAMENAK, GALDERAK ETA ERANTZUNAK

3.2.1. Akordioa aldatzeko proposamenak

Atal honetan, Etxauriko Udalak Sarbil Eguzki S.L enpresarekin sinatutako hitzarmena aldatzeko proposamenak jaso ditugu. Prozesuan zehar ez da egin akordioa bertan behera uzteko proposamenik; oro har, Nafarroako Gobernuak Sarbilgo proiektuari baiezkua emango balio, horrelako akordio bat edukitzea onuragarri izango dela ondorioztatu da.

TOKIKO PARTAIDETZA

AKORDIOAN JASOTZEN DENA
<i>"...se considerarán proyectos de generación renovable con participación local aquellos en los que se acredite que se ha ofrecido fehacientemente la posibilidad de participar, en al menos el 51% de la propiedad del proyecto, a aquellas personas físicas o jurídicas, públicas o privadas, radicadas en el municipio en el que se pretende situar su instalación o en los municipios limítrofes al mismo y que consigan, al menos, la participación efectiva de un 20%."</i> <i>"La oferta de participación local prevista en los apartados 2 y 3 del presente artículo será obligatoria siempre que el proyecto de generación renovable esté ubicado en el suelo público. Si no llegaran al 40% el número de personas físicas o jurídicas interesadas, se ampliará la oferta a las personas físicas o jurídicas, públicas o privadas, radicadas en los municipios limítrofes. En caso de seguir sin agotarse el 40%, se extenderá la oferta a las personas físicas o jurídicas, públicas o privadas, radicadas en Navarra."</i> <i>"Asimismo, ambas partes se comprometen a incentivar e impulsar la participación local, de conformidad con lo dispuesto en el artículo 36 LFCC. Para ello, se articularán los métodos y herramientas administrativas y tecnológicas que en cada momento se consideren más adecuadas y beneficiosas con el fin de alcanzar este objetivo. El ámbito territorial principal para la participación social y pública del proyecto será el de la Comarca de Pamplona."</i>
AKORDIOAN ALDATZEKO PROPOSAMENAK
1. Enpresa sustatzaileak %100eko partaidetza eskaini dezala. 2. Partaidetza lokala gutxienez %51koa izatea, eta hori lortzea. (7 puntu laranja eta 6 urdin)
ETXAURIKO UDALAREN ERANTZUNA
1. Eguzki Sarbil SLri planteatuko zaio parte-hartzea % 100era iritsi ahal izatea (izan ere, bigarren saioan esan zuen ez zuela inolako eragozpenik izango) eta akordioan islatzea. 2. Sarbil finka pribatua da, baina ebakuazio-linea lur publikotik igarotzen da, eta, proiektuaren parte denez, % 51 eskaini behar dute. Akordioan jasota dago "... proiektua 4/2022 Foru Legearen 36. artikuluan ezarritakora egokituko da...", eta, beraz, jada jasota dago % 51ren derrigortasuna. Parte-hartze publiko eta komunitarioaren % 51 hori lortzea edo gainditzea benetako erronka da, eta administrazio publikoen maila guztien konpromisoa eskatuko du (udalak, mankomunitateak, Nafarroako Gobernuak, agentziak...), baita herritarrena ere, banaka edo taldeka (komunitate energetikoak edo beste elkarte batzuk). Enpresari sustatzaileari eskatuko diogu, Nafarroako

Gobernuan aurkeztuko ditugun alegazioen bidez (aurrerago azalduko dugu), plangintza bat aurkez dezala tokiko partaidetzaren %51 nola lortuko duen azaltzeko.
EBATZI GABEKO KEZKAK ETA GALDERAK 1. Nola iritsiko gara %51 horretara, diru asko izango dela kontuan izanda? 2. Jabetza ez bada %51ra heltzen, zer egin dezake udalak? Akordioa atzera bota? 3. Zer da partaidetza publikoa? Zer komunitarioa? Norbanakoen jabetza nola hartzen da kontuan, publiko ala pribatu bezala? zein paper izan dezake Etxaurindarra Elkartek? 4. Inbertsoreak sar daitezke? 5. Goiener bezalako irabazi asmorik gabeko kooperatiba bati eskaintza egitea planteatu daiteke?
ETXAURIKO UDALAREN ERANTZUNA 1. Benetako erronka, konpromiso eta bultzada publiko-komunitario oso indartsua eskatuko duena. Jarraipen batzordeak lan zorrotza egin beharko du. Enpresa sustatzaileari eskatuko diogu, Nafarroako Gobernuan aurkeztuko ditugun alegazioen bidez (aurrerago azalduko dugu), plangintza bat aurkez dezala tokiko partaidetzaren % 51ra nola iritsi nahi duen azaltzeko. 2. Ez da planteatzen akordioa baliogabetzea lortzen den partaidetza-ehunekoaren arabera. Izan ere, portzentaje horregatik alde batera utziko bagenu, proiektuari hobekuntza batzuk bermatzen dizkieten gainerako atalak ez lirateke egongo. 3. Parte-hartze publikoa administrazio publikoek egiten dutena da, eta komunitarioa herritarrek banaka edo taldeka egiten dutena. Adibide gisa, Etxaurindarra, komunitarioa izango litzatekeenak, proiektuaren jabetzan parte hartzeko aukera izango luke, edo, bestela, ekoizten den energiaren zati bat autokontsumo modalitatean eskuratzeko akordio bat sinatuz. 4. eta 5. Jabetzan parte hartzeko aukera, hasiera batean, herritarrei eta administrazio publikoei planteatu behar zaie, zirkulu zentrokideetan, eta, ondoren, beste eragile mota batzuei, hala nola, herritarren energia komunitateei edo kanpoko beste inbertitzaile batzuei, esate baterako, Goiener eta Som Energiari, haiekin harremanetan jar gintezke horretarako.

ENERGIA PREZIO MERKEAGOAN

AKORDIOAN JASOTZEN DENA <i>“Con el objetivo de que el precio de la energía quede fijado a largo plazo, se negociará y firmará un contrato bilateral de compraventa de energía PPA (power purchase agreement) con la clientela de este proyecto, que repercuta en un beneficio para la ciudadanía y las PYMES y permita atender a posibles casos de pobreza energética.</i> <i>Con el fin de promover el mantenimiento de la industria y el empleo comarcal, se abrirá la posibilidad de negociar y firmar un contrato bilateral de compraventa de energía PPA (power purchase agreement) con las empresas de la zona, comenzando por las más cercanas, donde el precio de la energía quede fijado a largo plazo, que suponga un suministro energético renovable que facilite el cumplimiento de los compromisos de descarbonización, que repercuta en su electrificación y mediante la obtención de unos precios de suministros beneficiosos aseguren su competitividad y el arraigo en la comarca.”</i>
AKORDIOAN ALDATZEKO PROPOSAMENAK • Ez da proposamenik egin
ETXAURIKO UDALAREN ERANTZUNA Ez da proposamenik egin
EBATZI GABEKO KEZKAK ETA GALDERAK 1. Industriaren izaera definitu daiteke? ETEei bakarrik, adibidez.

2. Nola sortuko eta negoziatuko da energia merkeagoa, une honetako energiaren prezioa ia zero baldin bada?
3. Bateriak ezartzeko Sarbil Eguzkiren proiektuak eragin dezake?

ETXAURIKO UDALAREN ERANTZUNA

1. Industriari energiako sarbidea ukatzea kaltegarria da, industria elektro-intentsiboa eta CO2 igorlea baita. Egin daitekeena, akordio baten bidez, bakoitzak eskuratzen duen **energia kopurua mugatzea da**, lehentasuna herritarrek, administrazio publikoak eta ETEek izan dezaten.
2. Energiaren prezioa ez da zero eguneko une guztietan, eta prezio hori faktore askok baldintzatzen dute (Alemaniako ekoizpena, baldintza meteorologikoak, etab.), eta, gainera, ekoizpenaren eta kontsumoaren prezioa erabat desberdina da; beraz, oraindik ere interesgarri izaten jarraitzen du energia merkeagoa lortzeko asmoak, bai autokontsumoan, bai aldebiko kontratuetan.
3. Bai, Josuk aurreko egunean aipatu zuen proiektua bateriekin hibridatzea planteatzea zezakeela, hori baita energia berritzagarriaren ekarpena erregulatzeko modurik onena, eta, bateriak jarritz gero, **EZ** zela Sarbilen izango ere esan zuen. Argitu nahiko genuke hori ez dagoela jasota Nafarroako Gobernuan aurkeztu duten proiektuan.

ONURAK BAILARAN

AKORDIOAN JASOTZEN DENA

“Una parte de los beneficios resultantes de la operación de la planta de generación renovable se destinarán a proyectos de carácter social en la comarca.”

AKORDIOAN ALDATZEKO PROPOSAMENAK

1. Proiektuen izaera izan dadila soziorabala edota ingurumenekoa (mugikortasuna, elektrifikazioa, mugikortasunean eragina izango dutenak...), eskualde ikuspegiarkein, zuzenean eragingo dien kontzejuei ere ekarpena egingo dietena, eta irabazi asmorik gabeko enpresek kudeatuta. (9 puntu urdin eta 1 laranja)
2. Zein proiektutara eta zenbat bideratuko den herritarren partaidetza edo kontsulta bidez erabakitzea.

ETXAURIKO UDALAREN ERANTZUNA

1. “Izaera soziala” aipatzean, **aukera guztiak zabalik utzi nahi izan dira**, izan ere, soziorabalak eta ingurumen arlokoak ez diren proiektuak egon daitezke. Akordioan jasota dago, halaber, “Merkataritza Erakundeak ingurumena konpentsatzeko proiektuetara eta biodibertsitatea hobetuko duten proiektuen azterketara baliabideak bideratzeko konpromisoa” hartzen duela. Beraz, ingurumenaren alderdia islatuta dago. Akordioak ez du proiektu horien izaera mugatzen, hori mugatzea arriskutsua izan daitekeelako, etorkizunean beste gai batera bideratu nahi bada.
2. Eguzki Sarbil SLri planteatuko zaio **akordioari gehitzea**.

EBATZI GABEKO KEZKAK ETA GALDERAK

1. Sor daitezkeen gatazkak direla eta, proiektua ez egiteko aukera planteatzea.

ETXAURIKO UDALAREN ERANTZUNA

1. Udalak **ez du proiektua gauzatzen den ala ez erabakitzeke ahalmenik**, eta, beraz, ezin du proiektua ez egitea erabaki. Nolanahi ere, gatazka sozialengatik proiektu bat ez egitea beto arriskutsua izango litzateke, edozein proiektuk (adibidez, Etxauriko Osasun Zentroak, besteak beste) gatazka sozialak sor ditzakeelako, eta nola neurtzen dugu? Horrek ekar dezake proiekturik ez garatzea, inon ez.

INGURUMENAREN BABES HANDIAGOA

AKORDIOAN JASOTZEN DENA
<i>“...el proyecto se ajustará a lo establecido en el artículo 36 de la Ley Foral 4/2022, de 22 de marzo, Cambio Climático y Transición Energética (en adelante, LFCC).</i> <i>Unido a ello y además de la tramitación y obtención obligatoria de la Declaración de Impacto Ambiental, las partes firmantes evaluarán durante la construcción y a los 2, 5, 10 y 15 años los impactos del proyecto renovable sobre la biodiversidad de la zona y el medioambiente. Para ello, la mercantil se compromete a destinar recursos a proyectos de compensación medioambiental y al estudio de proyectos que mejoren la biodiversidad.”</i>
AKORDIOAN ALDATZEKO PROPOSAMENAK
1. Inpaktuaren ebaluazioa ere legeak eskatzen duena baino exigenteagoa izatea, herritarren kezka nagusiak bilduz: sute arriskua, temperatura igoera, akuiferoen kutsadura... (6 puntu urdin) 2. Espreski aipa dadila erakunde independente batek egingo duela inpaktuaren ebaluazioa.(Puntu urdin 1) 3. POT3-n arautzen den desmantelamendua akordioan jaso: nork edo zein entitate juridikok egingo duen, fidantza nork jarriko duen... (4 puntu urdin) 4. Epealdia 30 urtera arte luzatzea, 20 eta 25 gehituta.
ETXAURIKO UDALAREN ERANTZUNA
1. Ingurumen inpaktuaren ebaluazioa Nafarroako Gobernuak araututako eta egindako izapide bat da, eta udalak ez du aldatzeko gaitasunik; nolana ere, oso zorrotza da, Ingurumen Inpaktuaren Ebaluazio negatiboa izateagatik bertan behera geratzen diren proiektu berriztagarri ugariak erakusten dutenez. 2. Hasierako ingurumen inpaktuaren ebaluazioa ezin da “pribatizatu”. Beste gauza bat da parkea eraiki ondorengo inpaktu azterketa enpresa sustatzailearekin harremanik ez duen erakunde batek egitea. Eguzki Sarbil SLri planteatuko zaio akordioan gehitzeko. 3. Parkea eraistea berariaz aurreikusita dago Ingurumen Inpaktuaren Azterlanean, eta instalazioaren bizitza baliagarriaren osteko nahitaezko azken fase gisa, lursaila jatorrizko egoerara lehengoratzeko helburu argiarekin. 4. Eguzki Sarbil SLri planteatuko zaio proiektuak zonako biodibertsitatean eta ingurumenean dituen inpaktuen azterketa 5 urtean behin egitea, instalazioaren bizitza baliagarria amaitu arte (25-30 urte).
EBATZI GABEKO KEZKAK ETA GALDERAK
1. Proiektuaren “agrobolitaiko” izaera bermatzeko akordioan zerbait gehitu daiteke? 2. Plakak euren bizitza bukaerara iristen direnean, proiektuaren luzapena legez posible da? Proiektuan jasota dago plakak berritzeko aukera?
ETXAURIKO UDALAREN ERANTZUNA
1. Ondo iruditzen zaigu akordioan sartzea proiektuak izaera agrobolitaikoa izan beharko duela, izan ere, udalak proiektuari egingo dion alegazioetako bat da (aurrerago azalduko dugu), agrobolitaikoa izateko baldintzei dagokienez. Eguzki Sarbil SLri planteatuko zaio akordioari gehitzeko. 2. Proiektuan ez da aipatzen luzatzeko aukera. Eguzki parke batek ere ez du instalazioen iraungitze data finkorik eta derrigorrezkorik, baina bizitza baliagarria 25-30 urte bitartekoa izaten da. Amaierara iristen direnean, honako hauek egin daitezke: birpotentziatu (plaka zaharren ordez berriak jarri) edo itxi eta desegin.

PROIEKTU GEHIAGORIK EZ SARBILEN

AKORDIOAN JASOTZEN DENA

<i>“Si este proyecto finaliza con éxito, será el único proyecto energético a desarrollar en el espacio del monte Sarbil (Etxauri) por parte de la mercantil.”</i>
AKORDIOAN ALDATZEKO PROPOSAMENAK
1. Enpresa sustatzailearen lurrak espreski aipatu akordioan. (5 puntu laranja eta 3 urdin)
ETXAURIKO UDALAREN ERANTZUNA
1. Eguzki Sarbil SLri planteatuko zaio akordioari gehitzeko. Hitz egingo dugu akordioan horrela ager dadin.
EBATZI GABEKO KEZKAK ETA GALDERAK
1. Bere lurrak inori ez saltzeko konpromisoa sar daiteke akordioan?
ETXAURIKO UDALAREN ERANTZUNA
1. Ezin da, akordio honen eta udalaren eskumena ez delako lursail pribatu baten salmenta debekatzea.

JARRAIPEN BATZORDEA

AKORDIOAN JASOTZEN DENA
<i>“Con el fin de coordinar las actuaciones previstas en el marco del presente Convenio, se crea una Comisión de Seguimiento, que estará compuesta por las personas que se detallan a continuación.</i> Por parte del Ayuntamiento: • Alcaldía • Concejalía de Urbanismo y Vivienda / Comisión de Medio Ambiente y Desarrollo Sostenible • Secretaría • Personal municipal responsable del área de energía, arquitectura o Medio Ambiente. Por parte de la mercantil: • El administrador de Sarbil Eguzki SL. • Personal técnico responsable del proyecto <i>Podrán asistir a las reuniones de esta Comisión las personas expertas que se designen en cada caso por las partes, y cuya presencia se considere necesaria para el mejor desarrollo de las acciones planteadas en el convenio.”</i>
AKORDIOAN ALDATZEKO PROPOSAMENAK
1. Nafarroako Gobernuaren edo bestelako erakunde publikoen (mankomunitatea, Nafarroako Energiaren Institutua) partaidetza gehitu (udalaz gaindikoa). 2. Gizarte zibilaren (unibertsitateak, adibidez) edota herritarren ordezkartza bat gehitu batzordean. 3. Urtean behin akordio honen kontu ematea egin: zer gertatuko da akordioa betetzen ez bada?
ETXAURIKO UDALAREN ERANTZUNA
1. Etxauriko Udalaren eta enpresa sustatzailearen arteko konpromisoa da akordioa; beste administrazio edo eragile batzuek arbitrajea parte hartu ahal izatea aukera bat izan daiteke, baldin eta onartzen badute. Bai, akordioan sar daiteke. Adibidez, mankomunitateak izan litezke, hala nola IM (Iruñerriko Mankomunitatea) eta ATENA (Nafarroako Trantsizio Energetikoaren Agentzia, energia eredu jasangarri bateranzko bilakaera sustatzeko eta klima aldaketak Nafarroan dituen ondorioen aurkako borrokan laguntzeko sortua). 2. eta 3. Bai, gehitu daiteke Jarraipen Batzordean herritarren ordezkartza egotea, eta puntu bat gehitu daiteke akordioari urtean behin jarraipena egiteko.
EBATZI GABEKO KEZKAK ETA GALDERAK
1. Zer gertatuko da akordioa betetzen ez bada?

ETXAURIKO UDALAREN ERANTZUNA

1. Akordioak ez du zehapenen edo ordainen atalik ez-betetzeen kasuan, nahiz eta Jarraipen Batzordearen jarraipen araubideak, halakorik gertatuz gero, egoki jotzen diren neurriak hartuko dituen. **Udaleko idazkaritzarekin aztertuko da**, ea horri buruzko atalen bat gehitu daitekeen.

3.2.2. Etxauriko Udalarentzat proposamenak**UDAL PLANAK ETA ARAUAK**

Atal honetan, herritarrek Etxauriko Udalari egin dizkieten bestelako eskaerak eta proposamenak jaso ditugu.

1. Udalak ingurumen politika bat zehaztea Sarbil mendiaren ingurumen balioa handitzeko: tokiko zuhaitzak landatu, nekazaritzak erasandako inguruneak berreskuratu, pinuak kendu... Proiektuaren irabaziaz politika hauetara ere bideratu.
2. Udalaren plan urbanistikoan, energia proiektu handiak debekatzea.
3. Udalaren industria planetan, erregulatu enpresa handiak ez daitezen etorri (energia arrazoiengatik, adibidez, datuen zentro erraldoiak), eta ETEak eta enpresa proiektu mota batzuk sustatzeko.
4. Herritarren partaidetza eta kontsulta etorkizuneko proiektuetan, erabakiak hartzen hasi aurretik.
5. Gaiak sortu dezakeen gatazka eta polarizazioa kontuan harturik, proiektua ez egitea baloratzea.

ETXAURIKO UDALAREN ERANTZUNA

1. Udalaren parte hartze teknikoan, finkaren jabetzaren inplikazioan eta herritarren lankidetzan oinarritutako ikuspegiaren bidez ekin dakioke Sarbil finkaren ingurumen politikari. Proiektuaren onurak politika horiei esleitzeari dagokionez, gai hori jada akordioan jasota dago: “enpresak ingurumena konpentsatzeko proiektuetara eta biodibertsitatea hobetuko duten proiektuen azterketara baliabideak bideratzeko konpromisoa hartzen du”.

2. Udal erakundeoi dagokigu proiektu energetiko horiek arautzea, antolatzea eta hirigintza planen bidez baldintzatzea. **Ezin da debekatu udal lurraldearen %100ean**, Nafarroako Gobernuaren araudiarekin gatazkan sartuko litzatekeelako, besteak beste, “emisioak murrizteko helburuak betetzea eragotziko lukeelako”.

3. Udalaren plan industrialak: **dagoeneko lantzen ari garen proposamena da**, Etxauriko eta bailarako bizilagun talde batek industrialde bat egitea proposatu zigulako. Gure helburua lurraldeko bizilagunen enpresa txikien garapena bultzatzea da.

4. Herritarren parte hartzea udalaren ohiko lanaren parte da. Proiektu guztiek ez dute kontsulta maila bera eskatzen, eta uste dugu udal lanaren garapenean udalak erabakitzen duela, eta une honetan prozesu deliberatibo batean gaude. Nolanahi ere, akordioko baldintzek **EZ dute** Udala konprometitzen, proiektuaren sustatzailea baizik.

5. Lehenago erantzun da. Udalak ez du proiektua egiten den ala ez erabakitzeko ahalmenik, eta, beraz, ezin du proiektua ez egitea erabaki.

UDALAK HERRITARREN ORDEZKARI ETA AHOTS

Multzo honetan, Etxauri eta bailarako udalei eskaera egiten zaie herritarren nahiak beste erakunde batzuetara bideratzeko lana egin dezaten.

1. Nafarroa mailako energia proiektuen plana exijitu, planifikazio energetiko bideragarria Nafarroa osorako, irizpide eta beharren arabera egin daitezen proiektuak. (8 puntu urdin eta laranja 1)
2. Nafarroako Gobernuaren inplikazioa lortu Jarraipen Batzorderako, eta akordio zehatzak lortzea bailarako udalek Gobernuarekin.
3. Eskualdeko udalak energia proiektu handien kontra posizionatzea.

ETXAURIKO UDALAREN ERANTZUNA

1. Aspalditik (2020) Nafarroako Gobernuari helarazten ari gatzaizkion gai bat da; nire lehen legegintzaldian, Ingurumeneko kontseilariarekin egon ginen, eta esan zigun horretan ari zirela. Nolanahi ere, plangintzan oinarritzen ez den sistema neoliberal batean bizi gara, merkatuari eta ekimen pribatuari pisu handiagoa ematen zaiena, eta gutxiago erakunde publikoaren esku-hartzeari.

2. Azkenean Jarraipen Batzordea sortzen bada, Nafarroako Gobernuaren parte hartzea izaten **saiautuko gara**. Ibarreko udalekiko akordioei dagokienez, prozesuak **aurrera egin ahala ikusiko eta landuko dira**.

3. **Horrelako proiektuak orokorrean gaitzesteko jarrera, ñabardurarik eta baldintzatzailerik gabe, ez dugu ulertzen**. Erabakiak kasuz kasu hartu behar dira, oso eragin desberdinak izan baititzakete kokapenaren, ezaugarrien eta baldintzen arabera. Horregatik, proiektu bakoitza banaka aztertu behar da posizio bat finkatu aurretik. Nolanahi ere, proiektu honekin, azkenean egiten bada, udalak ziurtatzen du gutxienez ez dela proiektu gehiagorik garatuko lur horietan.

3.3. ALEGAZIOEN BIDEA

Etxauriko Udalak alegazioak aurkeztuko dizkio proiektuari. Aurreikusitako deliberazio prozesu hau egin ahal izateko eta ondoren prozesu horretatik ateratzen diren ondorioak eta ekarpenak helarazi ahal izateko, epea luzatzeko eskatu zion Nafarroako Gobernuari, gutxienez hamabost egunekoa, eta maiatzaren 12ra arte luzatu zuten. Orain, udalaren alegazio guztiak jasoko dituen dokumentua prestatzen ari gara, besteak beste:

1. Akordioan ez da agertzen proiektu hori egiten bada Sarbil finkako (Etxauri) proiektu bakarra izango dela.
2. Plantetako bat zepatik 330 metrora dago, eta gauza bera gertatzen da ebakuazio-lerroaren erdialdearekin.
3. Proiektuaren izaera “agrovoltaikoa” justifikatzea.
4. Ebakuaziorako lurpeko linea, gehienbat, finka partikularretatik igarotzen da, eta ez jada eginda dauden bideetatik.
5. Parte hartze publikoa eta tokikoa bermatzeko erabili beharreko plangintzaren eta plataformaren aurrerapena.

3.4. GALDEREN TXANDA

- Ingurumen politika: Sarbilen ingurumenaren lehengoratzeari esaten gienenean, Sarbil mendiaz ari ginen, oro har, ez finkari buruz bakarrik, eta, gainera, “bailara ikuspegiarekin”, eskualdeko beste eremu batzuk ere kontuan hartzea esan nahi genuen. Eskualdea aipatzen da “eskualdeko gizarte proiektuetarako”, baina ingurumenaren arloan ere aipatzea eskatzen da: “Merkataritza Sozietateak ingurumena konpentsatzeko proiektuetara eta biodibertsitatea hobetuko duten proiektuen azterketara baliabideak bideratzeko konpromisoa hartzen du”.
 - Etxauri haranerako izango da itzulketa hori ere, “izaera soziala” aipatzen denean, ingurumenaren alderdia ere sartzen baita.
- Oso inbertsio handia izango litzateke pertsonako: 4 milioi parke bakoitzeko, bider 9, 36 milioi euro. Gerta liteke %51 ez lortzea. Nola konpon daiteke?
 - Alegazioetan parte hartzearen plangintza eskatuko da.
- Ez dut ulertzen nola bideratu daitekeen herritarren parte hartzea proiektuan, nola bermatu. Nork konponduko du?
 - Alegazioak enpresak ebatzi beharko ditu.
 - Parte hartzea nola bermatuko den aurreratzeko edo planifikatzeko eskatuko diogu. MITECOren estatu mailako plataforma bat dago, adibidez, banaketak egiteaz arduratzen dena. Badakigu aukera desberdinak daudela, baina proposa dezala.
- Proposamenaren onurez hitz egiten duzunean, energia sortzetik sortutakoez ari zara?
 - Bai. Enpresak ere bere zatia izango du, bere partaidetza zenbatekoa den ikusi beharko da. Plangintza bat egin dezatela, parte hartze hori nolakoa izango den azaltzeko aurrerapen bat aurkeztu dezatela.
- Udal planean, ezin da debekatu lurraldearen % 100ean. Hirigintza planean, finka eremu sentibera gisa agertzen da?
 - Bigarren bilkurako aktan jaso zen bezala, Etxaurin indarrean dagoen hirigintza planak Sarbil mendilerroko lurzatiak katalogatzen ditu POT3 lurralde antolamendu planean ezartzen diren bezala: ingurumen babesa duen lurzoru urbanizaezina Lurralde Konektibitatea azpikategorian.
- Proiektua egin eta sustatzaileak akordioa betetzen ez badu, zer ahalmen du udalak? Akordioan ez dago inolako zigorririk tipifikatuta. Zehapenik jar al daiteke?
- Nazioarteko kontratuetan, desadostasunik egonez gero, halako edo honako erakundea arduratzen da (merkataritza ganbera edo dena delakoa). Akordioan ez-betetze zerbait gehitu daiteke?
 - Ez dakigu, idazkaritzan galdetu behar da.
 - Jarraipen Batzordeak landu beharko ditu gai horiek.
- Orain, zer? Zein dira hurrengo urratsak? Nafarroako Gobernuak erantzuteko epeak?
 - Maiatzaren 12a baino lehen, alegazioak erregistratuko ditugu.
 - Gero, estimatzen da irailean zerbait jakitea, nahiz eta ez den segurua.
- Proiektua egiten dela esaten badute, zer egingo du udalak? Planifikatu beharko litzateke zer egin Nafarroako Gobernuaren erabakia iristen denerako: batzar bat, herritarrei dei egitea, eta abar, gatazka horri aurrea hartzeko eta etxerako lanak egin gabe ez harrapatzeko.
 - Planteatuko da.
- Prozesu honetan egin den azalpenetik haratago, ikusten da onura asko egon daitezkeela proiektu honekin. Gatazkak handiak izan daitezke, baina onurak argiak dira. Ordezkarri hauek erakutsi digute beti jarraitzen dela herritarren interesa. Proiektu honek pixka bat hanka aldatuta harrapatu gaitu, baina planteamenduak helburu on bat du. Udalak alegazioak jartzea espero dut, eta ez dut zalantzarik ondo lan egingo duela.

3.5. ITXIERA ETA HURRENGO URRATSAK

Saioari amaitu dugu eskerrak emanez pertsona guztiei prozesu osoan parte hartzeagatik, eta esanez udalak maiatzaren 12a baino lehen aurkeztuko dituela bilera honetan iragarritako alegazioak. Etxauriko Udalaren webgunean argitaratuko dira.

Saio honen akta bidaliko da, eta prozesu osoaren txostena egingo da. Material guztia herritarren eskura jarriko da Etxauriko Udalaren webgunean.